

20110511418

L I G J
PËR NDRYSHIMIN DHE PLOTESIMIN E LIGJIT PËR TË MIRAT
AUDIOVIZUELE

Neni 1

Në Ligjin për të mirat audiovizuele ("Gazeta Zyrtare e Republikës së Maqedonisë", numer 103/2008 dhe 47/11), neni 9 paragrafi (2) ndryshohet si vijon:

"Themeluesi i kinotekes dorezon kerkese për fillimin e punes të kinotekes në organin e administrates shteterore për punet nga sfera e kultures, me dokumentacionin e nevojshem nga paragrafi (1) i ketij neni."

Pas paragrafit (2) shtohen 18 paragrafe të rinj (3), (4), (5), (6), (7), (8), (9), (10), (11), (12), (13), (14), (15), (16), (17), (18), (19) dhe (20), si vijojne:

"(3) Për plotesimin e kushteve nga paragrafi (1) i ketij neni, ministri i cili udheheq me organin e administrates shteterore kompetent për punet nga sfera e kultures (në tekstin e metejme: ministri) në afat prej 30 ditesh nga dita e dorezimit të kerkeses nga paragrafi (2) i ketij neni, e pas mendimit paraprak nga kinoteka amë miraton aktvendim.

(4) Nese ministri nuk miraton aktvendim për plotesimin e kushteve të vecanta për fillimin e punes të kinotekes, perkatesisht nuk e refuzon kerkesen për miratim të aktvendimit për plotesimin e kushteve të vecanta për fillimin e punes të kinotekes në afatin nga paragrafi (3) i ketij neni, parashtruesi i kerkeses ka të drejte që në afat prej tri diteve të punes, në sekretarine e ministrit të paraqese kerkese për plotesimin e kushteve të vecanta për fillimin e punes të kinotekes dhe ministri të miratoje aktvendim.

(5) Formen dhe permbajtjen e formulareve të kerkeseve nga paragrafet (2) dhe (4) të ketij neni, i percakton ministri.

(6) Ministri detyrohet që në afat prej pese diteve të punes nga dita e paraqitjes së kerkeses nga paragrafi (4) i ketij neni në sekretarine e ministrit, të miratoje aktvendim me të cilin kerkesa për plotesimin e kushteve të vecanta për fillimin e punes së kinotekes pranohet, perkatesisht refuzohet. Nese ministri nuk ka sekretari, kerkesa dorezohet në sekretarine e selise së organit të administrates shteterore kompetent për punet nga sfera e kultures.

(7) Me kerkesen për miratimin e aktvendimit nga paragrafi (4) i ketij neni, parashtruesi i kerkeses dorezon edhe kopje të kerkeses nga paragrafi (2) i ketij neni.

(8) Nese ministri nuk miraton aktvendim në afatin nga paragrafi (6) i ketij neni, parashtruesi i kerkeses ka të drejte që ta njoftoje Inspektoratin Shteteror Administrativ në afat prej pese diteve të punes.

(9) Inspektorati Shteteror Administrativ eshte i obliguar që në afat prej dhjete ditesh nga dita e pranimit të njoftimit nga paragrafi (8) i ketij neni, të kryeje mbikeqyrje në organin e administrates shteterore kompetent për punet nga sfera e kultures nese eshte zbatuar procedura në pajtim me ligjin dhe në afat prej tri diteve të punes nga dita e mbikeqyrjes së kryer, ta njoftoje parashtruesin e kerkeses.

(10) Inspektori pas mbikeqyrjes së kryer në pajtim me ligjin, miraton aktvendim me të cilin e ngarkon ministrin që afat prej dhjete ditesh të vendose për kerkesen e paraqitur, perkatesisht ta pranoje ose refuzoje kerkesen dhe ta njoftoje inspektorin për aktin e miratuar. Me njoftimin dorezohet kopje e aktit me të cilin ministri ka vendosur për kerkesen e paraqitur.

(11) Nese ministri nuk vendos në afatin nga paragrafi (10) i ketij neni, inspektori do të paraqese kerkese për ngritjen e procedures kundervajtese për kundervajtje të percaktuar në Ligjin për inspeksionin administrativ dhe do të percaktoje afat plotesues prej pese diteve të punes, në të cilin ministri do të vendose për kerkesen e paraqitur për cfare në afatin e njejte do ta njoftoje

inspektorin për aktin e miratuar. Me njoftimin dorezohet kopje nga akti me të cilin ka vendosur për kërkesen e paraqitur. Inspektori në afat prej tri diteve të punes e informon parashtruesin e kërkeses për masat e ndermarra.

(12) Nëse ministri nuk vendos edhe në afatin plotesues nga paragrafi (11) i këtij neni, inspektori në afat prej tri diteve të punes, do të paraqese kallezim te prokurori publik kompetent dhe në atë afat e informon parashtruesin e kërkeses për masat e ndermarra.

(13) Nëse inspektori nuk vepron për njoftimin nga paragrafi (9) i këtij neni, parashtruesi i kërkeses në afat prej pesë diteve të punes ka të drejte që të parashtroje kundërshtim në sekretarine e drejtorit të Inspektoratit Shtetëror Administrativ. Nëse drejtori nuk ka sekretari, kërkesa parashtrohet në sekretarine e selisë së Inspektoratit Shtetëror Administrativ.

(14) Drejtori i Inspektoratit Shtetëror Administrativ është i obliguar që në afat prej tri diteve të punes nga dita e pranimit, ta shqyrtojë kundërshtimin nga paragrafi (13) i këtij neni dhe nëse konstaton se inspektori nuk ka vepruar për njoftimin e parashtruesit të kërkeses nga paragrafet (9) dhe (10) të këtij neni, ose nuk paraqet kallezim në pajtim me paragrafet (11) dhe (12) të këtij neni, drejtori i Inspektoratit Shtetëror Administrativ do të paraqese kërkesë për ngritjen e procedurës kundërvajtëse për kundërvajtje të përcaktuar në Ligjin për inspeksionin administrativ për inspektorin dhe do të përcaktojë afat plotesues prej pesë diteve të punes, në të cilin inspektori do të kryejë mbikeqyrje në organin e administratës shtetërore kompetent për punët nga sfera e kulturës nëse është zbatuar procedura në pajtim me ligjin dhe në afat prej tri diteve të punes nga dita e mbikeqyrjes së kryer, ta informojë parashtruesin e kërkeses për masat e ndermarra.

(15) Nëse inspektori nuk vepron edhe në afatin plotesues nga paragrafi (14) i këtij neni, drejtori i Inspektoratit Shtetëror Administrativ do të paraqese kallezim te prokurori publik kompetent kundër inspektorit dhe në afat prej tri diteve të punes do ta informojë parashtruesin e kërkeses për masat e ndermarra.

(16) Në rastin nga paragrafi (15) i këtij neni, drejtori i Inspektoratit Shtetëror Administrativ, menjëherë, e më së voni në afat prej një dite pune do të autorizojë inspektor tjetër që ta kryejë mbikeqyrjen menjëherë.

(17) Në rastet nga paragrafi (16) i këtij ligji, drejtori i Inspektoratit Shtetëror Administrativ, në afat prej tri diteve të punes, do ta informojë parashtruesin e kërkeses për masat e ndermarra.

(18) Nëse drejtori i Inspektoratit Shtetëror Administrativ nuk vepron në pajtim me paragrafin (14) të këtij neni, parashtruesi i kërkeses mund të parashtroje kallezim te prokurori publik kompetent në afat prej tetë diteve të punes.

(19) Nëse ministri nuk vendos në afatin nga paragrafi (12) i këtij neni, parashtruesi i kërkeses mund të ngrihte kontest administrativ në gjykatën kompetente.

(20) Procedura në Gjykatën Administrative është urgjente."

Paragrafi (3) i cili behet paragraf (21) ndryshohet si vijon:

"(21)Kunder aktvendimit nga paragrafi (3) i këtij neni mund të parashtrohet ankese në Komisionin Shtetëror për Vendimmarrje në Procedure Administrative dhe Procedure për Marrëdhënie të Punës në Shkallë të Dytë."

Paragrafi (4) behet paragraf (22).

Neni 2

Në nenin 11 paragrafi (9) fjalet "Komisionin e shkallës së dytë të Qeverisë së Republikës së Maqedonisë" zëvendësohen me fjalet: "Komisionin Shtetëror për Vendimmarrje në Procedure Administrative dhe Procedure për Marrëdhënie të Punës në Shkallë të Dytë".

Neni 3

Akti nenligjor i parapare me këtë ligj do të miratohet në afat prej 15 ditësh nga dita e hyrjes në fuqi e këtij ligji.

Pas botimit të aktit nenligjor nga paragrafi 1 i ketij neni në "Gazeten Zyrtare të Republikës së Maqedonisë", ai menjehere, e më së voni në afat prej 24 orësh publikohet në ueb faqen e Ministrisë së Kulturës.

Neni 4

Procedurat për marrjen e aktvendimit për plotesimin e kushteve të vecanta për fillimin e punës të kinotekës, të filluara para ditës së hyrjes në fuqi të ketij ligji, do të perfundojnë sipas Ligjit për të mirat audiovizuale ("Gazeta Zyrtare e Republikës së Maqedonisë", numer 103/2008 dhe 47/11).

Neni 5

Ky ligj hyn në fuqi në ditën e tete nga dita e botimit në "Gazeten Zyrtare të Republikës së Maqedonisë", përveç dispozitave të nenit 1 të ketij ligji, që kanë të bëjnë me nenin 9 paragrafi (21) të ketij ligji dhe nenin 2 të ketij ligji, që do fillojnë të zbatohen me fillimin e zbatimit të Ligjit për themelimin e Komisionit Shtetëror për Vendimmarrje në Procedure Administrative dhe Procedure për Marrëdhënie të Punës në Shkallë të Dytë.